



南田詩鈔卷三

武進 惲 格

壽



芷園先生王嗣衍閱定 山陰孫 讜椒圃氏選

和枚吉大雪齋中觀劇

獨醒偏愛雪不共玳筵歡影帶歌塵落花憐舞袖寒幽
蘭方促柱黃竹故留竿自笑先生履孤吟立夜闌

贈愚菴三宜和尚

遠公精舍傍湖曲石廊交映梧桐綠迴樓每見朝雲宿
澗池時有鷓鴣浴高臥湖山不計年袈裟常伴六橋烟
六橋花柳繁管絃月明夜放蘇堤船烟光泊得閒中賞
隨波弄月滄浪上簫鼓無聲星斗稀中流一嘯千山響

師每遇月夜必泛壁立高風聳奇峭襟期磊落天下少
舟出遊竟夕忘返對奕松間喚狗屠忘情溪上馴鷗鳥逢塲竿木全機露
正眼分明青草渡佯狂傲屣法王尊白髮婆娑烟水人
乘興且騎支遁馬論交更結東林社挖揚風雅寓獅紵
郢調諸方稱作者黃金如意玉連環風散天花寶座間
談經夜壑魚龍聽禪定空山虎豹看十年耿耿魯連節
伯牙流水無人識煨芋何妨折脚鐺縛身自有三條篔
我來十月西陵道繁霜凍斷蘇堤草同調淒涼風雨愁
三秋寤寐重傾倒一曲陽關那忍別驪駒歸路衝冰雪
空吟紈扇碧雲詩虛對相思亶度月儻問何時再過從
綠楊黃鳥啼春風

送許傅舟北上

許郎五月絳綃輕赤烏鍊石將北征門前錦羈班馬鳴
南風吹滿毘陵城蝮蝨聲殘讀書屋紅亭西去垂楊綠
六橋烟月看未足畫船又指黃河曲前度雲亭把臂時
錦囊自製驚人詩同遊楊子亦奇麗連珠合璧光陸離
往路雙鷗弄烟水載筆高吟碧波裏桂櫂吳謳五兩風
蘋花蓼葉三千里一別胡姬春酒樓重過燕市又逢秋
自將綠酒斟金椀手解紅韁上紫騮九陌三條芳草歇
檀帳琵琶彈夜月醉倚鞦韆脫罽袍却指觚稜望天闕
四姓侯家甲第雄豪華舊與金張同况有西臺御史驄
炎天白簡生霜風吾子翩翩擅文藻五陵裘馬非其好

南唐詩餘卷三
一
一言浚感俠士心輕薄紛紛何足道三疊歌成送別離
吳雲極目長天涯美人若有瑤華贈屈指秋風雁到時
春晏高雲樓聽阮郎歌雲卿索詩贈之

曲房搖波嫩如月龍腦香微熏畫壁挾彈相過游冶兒
調笑倡樓醉青陌花間起舞拂蘭纓笑倚西窓雲母屏
繡袋織成鷓鴣樣碧簫吹落鳳凰聲倚頓鴟夷如敝屣
三語辟掾亦偶爾一聲紅豆慣銷魂檀槽自激梁塵起
時斟平樂酒看殺杜陵花蒹葭漫相倚誰共雒陽車子
都安陵豈足羨紗帷春暖湖山宴桃花洞口阮郎歸媯
然笑認仙人面

雙鸚鵡

綠衣相對畫廊深那比雌雄共一林同夢可曾歸隴樹
呼名爭擬變吳音梳翎不妬簾櫳影並舞難忘霄漢心
只爲無雙稱賦手芳洲留恨到如今

筆牀

脫穎何須問處囊倦吟收得兔毫芒雖非文苑輪囷木
却帶騷人翰墨香盡日不離青玉案閒時長臥綠沉鎗
卽看灑翰驚風雨應有蛟龍起半牀

題髯公松下抱孫像

藹然褒衣人灑灑出塵表心如滄洲雲貌比商山皓置
君丘壑中雲氣更深杳虬松落空翠花石相繚繞自有
琅玕飯能使顏色好掀髯吟松風雙眼送歸鳥一孫着

南唐詩金卷三
三
膝前一孫手中抱皎皎兩鸞雛勢欲摩蒼昊養成凌雲
翮坐見飛騰早對此且行樂花間置清醪酣歌兼六博
那惜玉山倒醉鄉無昏朝俯仰乾坤小自古有糟丘天
外無仙島

落葉無聲圖

落葉無聲秋影空碧雲吹墮半巖風吟詩夢入紅林路
展卷身疑在夢中

番王金璽歌

虎林友人曾從都門重譯辨西番金璽文不受官
而歸著書論鍾鼎古文

番王使獻金璽懸千金莫能視君縱觀得其理重譯何

侏儻臣書竟奚指玉環旣解驚廷臣謾書錯亂非觀美
身披紅雲上豹尾摩挲銅狄宮門裏一雙赤管伴隄糜
壯心聊展雕虫技相如爲郎亦不屑致身何用儀秦舌
簪筆曾哦上苑花罽裘還點燕山雪卣鼎久剝蝕盤盂
無鳥迹箕子想沉碑延陵亦崩圻洗簡叅籀書披圖考
金石龜文象其巧龍鱗想其畫嶧山與之罟顛倒正非
昔六書旣亂無前文應使秦斯按三尺天亦不雨粟鬼
亦不夜哭芝英雲氣改松鉛鸞驚勢已非蒲竹鴻都觀
碣空十尋縱翻科斗誰能讀古文零落辨秦餘神明書
體惟君獨還如汲冢見周書因君一洗千秋目

題東嶽畫扇

南唐詩餘卷三
四
如在懸崖半嶺看密陰
深翠覆闌干古藤上與浮雲結
白日長令澗戶寒

伊園夜飲 馮子新構別業

地借廻塘濶軒因積水明
戲魚常釣月種柳欲藏鶯
簾捲春山影歌翻子夜聲
今宵金谷酒不待美人傾

畫荷葉

衝泥抽柄曲貼水鑄錢肥
莫破秋風綠將裁處士衣

澹遠堂話舊

落盡閒庭樹高吟過一秋
花中銷醉夢詩裏換征裘
客與歸鴻散琴添別鶴愁
重來風雨夜慷慨話藏舟

把酒共論詩虛堂笑語時
雲昏秋後雨鳥隱夜深枝
風

籜爭窓紙燈花落研池
他時思此夕重與故人期

秋風驪駒吟

秋星高秋雲黃天露零
草烟灘鳴蟻瑟風驪駒夕照河
梁手傾龍膏進子羽觴
雲錦五花驄芙蓉千金裝
吹叅差兮風裊裊漲江淮
之波兮中洲如島地盡吳楚
天接雲鳥瀟瀟江汀落雁何
多樓船簫鼓隨風揚波君之
行兮鳴玉珂我獨立兮山之
阿悄予望兮雲嵯峨雲嵯峨
兮渺吳關抽余思兮在禹山

臥疴僧寮寄贈穆倩無言扶辰蛟門彥度師六

二瞻諸子

秋虫日夜急秋草傷客心
窺窓見白雲藹然生晝陰涼

南唐詩金卷三
五
葉上虛枕離懷蔽青林垂帷悵所思如隔丘與岑惟君
鼓銀簧蘭氣盈空襟流連風前酌遂啓囊中琴飛龍調
既合敢惜弦上音傾賞唯古歡對之復沉吟

絃匏無異音椒薰悅同馥古有錦繡段將貽美人服何
以致繾綣採芳日盈匊論交各有因蠶塵世相逐軒蓋
徒喧豗車音杳空谷所以結賞心寤寐予杼軸

柳庭秋易寒薜荔夜結束歌停竹西屐烟斷雷塘綠臥
疴凜風帷檢身如枯木須臾冰霜至炮烙又見毒鍊藥
鮮芝朮侘嘆頻仰屋九食思古人日晡一糜粥丹彩誰
見珍嶽雲不堪鬻憑虛吾氣在長嘯動簷竹羈孤戀良
朋何爲自局蹙好我豈徒然清塵欣在矚被衣不及帶

凝涕佇來告

過鴛水遲持平師不至賦此留別

梅花落遍西溪白浪遊同作錢塘客

梅花時與師
邂逅西泠

中泠

橋邊分手時新烟未動垂楊枝我去當湖湖水曲蘼蕪

已作瀟湘綠芳陌殷紅染杜鵑孤蓬鴛水再停船金錫

無聲凝暮靄寥寥空與碧雲待客久江山賦倦遊回鞭

路上百花洲

余將
歸里

翻愁兩槳若溪渡寒雨衝波不知處

師去若

黃鶴西飛獨未歸故園雲樹空依依謾指江南

舊阡陌青鞋自踏梨關月誰道春風不出關閩山吹夢

到吳山折梅曾見花前別歲歲花時兩相憶

師結茅芝
城山中三

十年矣訪舊出關欲歸毘陵
省墓已不果行復決策還閩

和西爽齋詩

散帙林堂上悠然生遠心縹緗蟬蠹跡蒼翠石庭陰水
鳥窺朝幌風花拂夜琴友聲騷雅合高興寄西岑

送孫大遊天台因憶國清長老

問訊彌天客三年一字無山空芳杜冷人遠碧雲孤半
偈分婆竭干花散鷓鴣非君厭蘿薜歸夢滿蘼蕪

寄家叔

時在山右

尚慎春前札猶憐草木身

叔父書來以尚慎筆札相誠勉北山仍獨隱

南阮自長貧詞賦難遊洛縱橫不說秦灌園殊未得
澹愧漢陰人

貧賤娛親老春秋物外期空餘衰鳳曲無那美人思東

絹分來日南金寄到時多慚千里贈徒報四愁詩

叔父致幣

爲大人鵬大人報詩謝之

廣武登臨處吳雲萬里看騶駟鳴海國首蓓滿江干日
月窺愁短家山到夢寒東南好風景花鳥竟凋殘
辛苦西遊日星霜望塞州幾回看鏡破長自問刀頭天
濶雲隨鳥月明人倚樓寒衣莫寄遠歸馬不逢秋

秋宵曲

和次谷韻戲用香奩體

思歸縮地全無法夜聳吟肩寒透胛茂陵渴殺病相如
一杯空想芙蓉呷只憶寒宵畫閣眠沉香被冷熏金鴨
斑管長蛾染黛螺紅箏纖指調銀甲惱公原是令公喜
憐卿那許將卿狎新粧小婦盤龍髻撲螢笑展風前篔

如鈎月下捉迷藏合昏花底成歡洽怨別牽衣宛轉啼
織痕臂上猶存指誰知帶水阻銀河竟滯梁鴻廡下鋪
解珮何心繫漢臯爲雲枉自留巫峽去日流黃懶上机
歸時漉酒惟存恰身似蒼鷹新脫鏃典如吼虎初離柙
奩底欣開粉黛色釵梁笑把搔頭壓但教紉草是宜男
那用迴文成一霎此夜刀頭望藁砧明朝鸞鏡開鈿匣

題獵犬圖

只傍鷹師獵騎邊圍場淺草每爭先中山東郭搜羅盡
可許閒堦自在眠
仰看婁宿在天隅枉說非熊載後車莫以功名輕狗監
也曾稱賦薦相如

杪春寄逸園商志

美人卷瑤席遙渡若邪溪春風來自東海雲都向西予
同結遐想寤寐乘紫霓故游尋花源靈境懼先迷群仙
吸鸞管上下翔天雞晞髮待朝陽因之凌丹梯

初秋同溫其之廣陵舟泊西郊柳下和天樞韻
弦月上烟艇微風到綠楊蟬移無定響星過尙遺光夜
火喧漁市秋帆聚野塘畏途同作客清吹自悲涼

淮水大至邨舍漂沒與張大天樞同客蕪城彌
望無人烟愴然作

野哭秋邨急青疇望渺然干堤齊沒柳萬竈欲沉烟又
慟迴車路同牽上岸船從看塞瓠子波浪自年年

新春十日小雨過馮生飲坐客爲莫大馮季諸
君子

春來十日雨濛濛春光初轉芳蘭叢昨宵月照春城畔
今到官街泥沒骭吳客蹒跚着屐來開樽自卷青絲幔
大馮豪宕舊交驩當筵馳辨如風湍有時短髮怒衝冠
小馮滑稽不可止解紛憤射遠城矢眼中惟我與君爾
莫子瞋目脫接離袖中常把錯金椎感恩肝膽知向誰
太公慷慨不舉酒欲醉筵前雙玉斗主人奉觥起稱壽
胸中轆轤復何有憚生捫虱黑貂裘酒酣長笑欲上城
南樓人生得志何必萬戶侯但令白日不墮天西頭常
與三子高歌爛醉沙棠舟稻梁黃鶴安足謀芝田欲盡

吾奚憂今日燈前君對舞明日驅車向何所鐵笛春風
滿戰場梅花散作山城雨馬蹄塵起黃雲暮杜宇聲哀
白門路白門楊柳正愁人莫挂春帆渡江去

送馮子

春雲片片着花枝江城柳暗黃金絲征車在門班馬嘶
草青南浦生別離連宵酌君酒絃琴常在手一聲哀怨
操離鸞月華忽墮庭前柳昨夜爲君歌燈前剪紈素宛
轉歌不成徘徊念君故橋邊醉挽金絡頭留君青驪不
肯住蹀躞上芳洲行帳春星曉却望吳雲隔亂山江鼉
吟風波渺渺衣染秦淮渡口霜馬銜白鷺洲邊草正月
鶯聲少二月鶯聲好三月鶯亂啼春雲去如掃仲宣樓

南唐詩集卷三
九
頭花欲飛歸來長缺應須早

登吳山二首

路入前峯近青蘿望可攀豈知身到嶺忽失眼中山嵐
翠人烟裏車塵雲霧間憑高見天盡無地辨吳關
吳越相依處蒼烟靉靄中半江晴變雨衆鳥夜呼風帆
落青天小雲來碧樹空最憐樵牧地荒草是遺宮

贈徐徽之

青山曾與赤松期又見鷓啼故國時三月鶯花江上客
十年風雨夢中思扶桑黯淡鮫人泣薜荔凋殘山鬼知
老驥肯忘千里志唾壺歌斷髻邊絲

贈莊太史澹菴納姬

不戀金華侍從班明珠何惜換紅顏自將五色雕龍管
坐倚芙蓉畫遠山

茂陵車馬看花心鳳曲渾忘舊玉琴聞道閨中初製錦
書來先寄白頭吟

綠酒同斟鸚鵡杯絳綃人在避風臺生憎客館非金屋
亦放蓮花貼地來

黃鸝百轉上花枝霜簟微風過曲池不捲重帷知夜短
楚雲遮斷夢來遲

畫小園半壁

峭蒨初疑嶺路通鷓鶩白鷺夜翔風過牆千尺松篁影
人臥蒼茫空翠中

虎林書至因寄李子

烟棹期春過冰霜已歲寒最憐今夜月仍在故鄉看漸
短荆卿髮徒存子夏冠殷勤故人札千里問加餐

紫塞

紫塞吹笳人未還春花落盡穆陵關鷓鴣不管興亡恨
只向簾前喚故山

畫雪山爲周聖濤起病

松火敲冰心暫閒擁裘行藥地壚間避風不捲青絲幔
坐隱烏皮看雪山

曉發新豐將至京口和青巖韻

蓬窓天欲曙急溜响鄰舟雨尙啼沙鷗雲還閉斗牛潮

聲到虛枕山勢入他州遙想空濛處鏡喧古渡頭

贈莫十三

君家西湖濱厭看湖上山身依海鷗宿心與天雲閒口
吟五噫西出關脫帽自挂蒼梧間偶然登燕臺洗足御
溝水緼袍蒙茸一草履金貂紫駟君勿喜倒誦臣書三
萬言侏僂笑擲番王璽重譯曾驚外國使諸侯盡倒蘭
臺屣旣鍛上林羽又轉桑乾路囊破惟留五嶽雲鶴飛
還想三珠樹滿腹皆象緯纏衣悉烟霧握尺量舜管執
杓考天步流霞未肯酌熊蹯亦不如還將檨葉補秋雲
柳標橫空萬山去

聞砧

夜久砧偏急風高聽漸稀
千聲霜欲下萬樹葉驚飛
應減別時帶難裁去後衣
於今征戍近無夢到金微

題流觴曲水圖

襟飲永和春風花曲水情激湍
喧几席靈籟響軒楹忽見翠微
落虛疑浦淑明琅玕搖竹色
偃蓋動松聲盤石窺人冷深
烟拂練輕繁華正三月文藻萃
羣英宛爾吟初得欣然句自驚
卷書隨臥起載筆澹經營草暖
香承坐觴浮綠未傾花茵紛綺
麗冠佩自崢嶸隔岸懸丹閣
臨谿挂翠屏羣鶯還帶荇密樹
不聞鶯想象象蘭亭跡風流晉
代名天機發靈賞妙繪送餘清
逸興丘樊合幽襟草木并細看
蘿磴裏時有白雲生

山中待友人不至

三秋不共故人懽一日離羣
握手難黃葉空山無客到
白雲幽澗待君看松門石響
風泉急蘿洞猿鳴夜雨寒
無那足音今尙杳相思明月
照闌干

靈隱寺早起登嶺上眺望

空樓眺春霽遠島紅霞起
山樹沒城烟湖雲落江水
策杖深松裏朝雲半嶺稀
路盤千澗上空翠濕人衣

遠眺

暮雲千里亂吳峯落葉微
聞遠寺鐘目盡長江秋草外
美人何處採芙蓉

東園柬毛稚黃

海雲茫茫春霰斷柳絲綠遍寒江岸細網幽窓竹烟亂
山桃海棠落將半鳥聲過殘雨蘭風細吹案我思在空
谷我夢屬雲漢玳瑁只獨照錦衾空宵爛飛花濛濛還
坐嘆江郎藻筆不在腕石泉水芹泛溪館柳下無人待
誰鍛

江上懷友

江城鴻雁過霜落芙蓉裏日暮憶遠人鳴琴對秋水
月夜步城北曹園

烟月鎖荒園空臺夜鳴鳩不見歌舞人梨花落如雪

初秋

素月疎櫺外明河深樹中秋聲何處起半夜落梧桐

李侯署中古栢行

素練霜柯高百尺李侯笑指庭前栢根蟠古雪苔蘚斑
冰鱗纏身鐵爲骨勢如潛蛟初起蟄培風將奮摩霄力
拔地驚雷未敢飛翻身回顧猶欹立上枝承露還嵯峨
霧角烟芒翠相織下枝垂垂含勁風纓絡照地光玲瓏
徂徠岱岳借靈氣嶧陽豈羨孤生桐千年鴛水青銅榦
奔空欲使撐河漢雉起聲從岐麥來鶴飛影與青霞亂
鳴琴如坐丹青中攀條烟雨生几案李侯爲我傾玉漿
吹笙夜月招鳳凰始知呼吸通帝座明星玉女紛來翔
安得驂麟上閭闔把手羣真游八荒排雲高議聲琅琅
鏘金戛玉趨巖廊臺畔賡歌賦栢梁此圖披拂生輝光

題畫

閒將詩句答山靈奇想烟泉未肯扁不雨墨華常帶濕
窺人嵐氣欲浮青
鶴語寒宵曉夢還彈琴花落半庭閒指頭猶有分雲力
更向雲邊看米山

題野雪軒

半簷窺野色積石傍山楹爲有移梅興因留愛雪名得
雲生曉白借竹起寒聲筆落峨眉想詩餘剡上情如何
乘玉珂只聽上林鶯

題扇

客帳流蘇麝氣薰鷓鴣還覆藕絲裙醒來却怪衣裳濕

枕上猶留昨夜雲

一草堂歌贈董十六舜民

我爲草堂吟長爲草堂客草堂入我畫紈扇不盈尺主
人浩歌脫雙鳥天上星辰不可摘人間衡霍非吾宅溪
山借半壁日月走一隙僊人彈碁在白石嬋娟紛如玉
山立纖指調漿出翠釜銅盤然炬明瑤席不出環堵間
如坐青岑隈間巷自車馬蘚路無風埃濛濛垂蔓葉粲
粲過牆梅若有山根出籬下如聞石隙流泉來爲君歌
擊唾壺胡爲草堂時聞蟪蛄君何不著書名露續史稱
狐可以懸國門可以傳通都笑彼狗名建鼓而趨折楊
同聲大音凋枯坳堂覆杯不知天吳小技驕人見忌壯

南田詩集卷三
古
夫君不見赤驥在鹽車長鳴太行坂一揮赤汗束蘭筋
絕景奔霄未云晚又不見神魚噴沫鬣蔽天未覩蓬萊
山奚能升紫烟因君草堂歌爲君問千古美人看彈琴
艷曲翻銅虎一草堂有銅虎媒傳奇高軒大蓋滿京華草堂中人
獨愁苦草堂草堂且勿歌高軒大蓋如君何

送友之秣陵

湖南草綠鳴角弓輕裘春向秣陵東吹笛江樓花滿路
柳絲不繫青青驄江淹飄泊春風久空着新詩滿人口
紫燕來時歸未歸臨江送客空回首

還里贈鄒欽伯先生

朔風寒雨重披襟嘆息天涯久滯淫明月共懸千里夢

孤樽獨問十年心佩來蘭芷君堪贈別後蓬蒿徑已深
會見少微占太史寄言梁甫謾長吟

上巳日從家君過些菴賦此言別

閣間城外水蒼蒼芳草王孫返故鄉風雨孤踪隨杖錫
帆檣三月下瀟湘驚心楊柳離宮遠回首山河別路長
此去若逢彭蠡雁好傳消息到吳閭

遇故人墓

黯澹懸封墓草黃天風吹日照滄桑夜珠自與連城碎
衰鳳能先百鳥藏作諫有妻稱柳下招魂無路向瀟湘
不須更聽鄰人笛翹首松雲已斷腸

西泠送季子

君從南海來我過西泠下相問都城隔歲人歸心黯澹
梨花下月白湖烟空寒聲向東瀉惱亂綠楊絲不繫殘
春駕君乘青雀舫我控雙驪駒雀舫漾滄波驪駒在城
隅越江流雲夜入吳茫茫碧草飛鷓鴣蒲塘日出掛烟
樹棹歌聲轉蘋花去樹頭忽見帆影高立馬還看繫舟
處

怨詩

高樓多冽風仰視雁南翔閨中擣紈素三寄寒衣裳飛
蓬何能理金鏡掩容光前年期秋風今歲誓春陽翻翻
巾車遙渺渺道路長何由見千里四望皆垣牆犬吠過
西戶馬鳴來東廂深巷聞叩門鄰曲歸遠方屬耳每驚

聽中宵起傷徨燈火明虛帷促織依我床賤妾空自念
知君久相忘

送芑侯

僕夫戒行李相送臨河陽仲冬十一月革屨履嚴霜征
人不遑留脚躡周道傷仰面見飛鳥東西各成行奈何
雙青鸞羽翼不並將昨日同衾稠恩情如弟兄一朝逐
轉蓬飄飄竟南翔詎爲兒女態恨恨霑衣裳常恐成參
辰天路永相望薄終豈足道明誓亮難忘願保千金軀
努力崇令芳

亭亭山上松蔦蔦松上蘿託根一得所百年附崇柯結
交各有因墳笮自相和古道世所棄衆趨難爲多披紛

非金石久要竟何益明德喻中懷邂逅同宿昔所以僑
札交君子三嘆息行矣善自持白首從今夕離別安足
悲黽勉加殮食

歲晚從家君諸禪侶登琴臺

登臨歲月晚烟火望寒城遠圃牛羊牧荒原草木平湖
雲連晝晦嵐氣轉春晴攜手琴臺上山川萬古情
羣峯通震澤涇水入蘆汀雨雪殘吳苑烟雲出洞庭湖
光生夜白島嶼落空青歲暮鄉關遠征輦未可聽

秋日湖上訪舊不遇

望湖亭畔聽吹簫畫舫烟波十二橋憶自孤蓬飄瘴海
至今雙劍各雲霄關山夜月離樽滿水國秋風別夢遙

回首昔時分手地千林落木正蕭蕭

贈高彙旃先生

鳳曲高千載麟遊竟後時畫前常見易雅變欲刪詩日
月三塗盡蟲沙一代期河汾家學在猶幸奉臯比

南田詩鈔卷三終

南田詩鈔卷四

武進 惲 格 壽平

芷園先生王嗣衍閱定 山陰孫 讜椒圃氏選
贈友

黃鵠辭海曲翱翔南山巔中路失其羣徘徊江漢間寥
廓一以下羅罟將在前四顧動哀鳴聲激青雲端野田
有雌雉毛羽一何鮮雄鳩班班鳴啁啾集平原微物尙
有適雲翮誰爲憐延頸望四海遠道良苦艱啄飲豈不
娛要非心所安肯將干霄姿凡鳥同飛翻願乘東南風
奮翼與俱還

烏目山人樵李營丘平遠圖

一片東吳精千載抱茲獨隻眼納天表縱心入萬谷雲
岫有時白流水不敢綠山林嘯風雨吹萬同沐浴非因
夢瀟湘滄浪悲餘曲靈籟無天工風絃偶然觸在昔美
營丘於今有鳥目

畫江山

驅毫染嵐烟凝暉澹將夕高鐘出翠微江聲破晴碧穿
嶺度金光嵌空無鳥迹一角萬景變靈氣紛駱驛哲匠
企來今揮斤如在昔鳥影懸微芒崩灘綴林隙悠然來
江風帆影渡咫尺吳雲不可見悵望還山客

西泠見馮子

文園相見日江館正花飛面減何郎粉腰寬沈約圍海

雲低入袖山雨近霏衣莫遣春風過花間暫掩扉

別久相見執雲卿手而問之君負伊蒿之痛我
抱羸博之慘異地同時把袂驚呼至於離索契
濶之感人無論已

袖裏三年信同懸千里思偏君哀母日正我哭兒時舊
物青氈在新愁白髮知神傷轉無淚相見一低眉

醉歌吟贈黃海程穆倩

客衣夜冷秋風發閒花滿地秋濤沒廿四橋邊無美人
玉簫聲與涼雲結我望青天不見月游子今宵生白髮
吁嗟程夫子豪宕高陽徒得錢每沽酒靴履來相呼紅
蕉花底傾玉壺尊前感恩皆狗屠奏刀砉然天雨粟鍊

石欲使神靈趨六書奧府開榛蕪抽毫蒼史爲先驅吁
嗟程夫子胸中感慨何時無一身藏命因鉤黨千古傷
心聽螭蛄銅駝金狄不能語江山淚盡延秋烏於今老
作諸侯客還似歌薇一餓夫腰下猶存玉鞭轡席間尙
有紅氍毹醉後放歌小天地悲來浩氣傾江湖蒼茫四
壁君何有徒以千金享做帚禽虫託諷聊自壽仙人玩
世還稱垢楊黃舊事關心久程君爲機部石齋
兩先生門下士九辯哀
師時在口我亦江城失職人聽雞夜舞頻呼友我飲不
能盡一斗君呼烏烏我擊缶停歌顧我且勿憂明朝尚
有盈樽酒

題錢子釣舫圖

厭殺還山聽螭蛄自將蓑笠臥菰蘆客星天上無尋處
笑把漁竿入畫圖
物外誰同汗漫游荻風飛雪半天秋於今何處浮漁艇
夜雨蓬窓夢十洲

題石谷子畫水竹幽居圖贈江上翁

看泉身似未離山柳路斜通竹澗灣一片微茫寒翠合
此中風月異人間
柴門臨澗板橋西千尺琅玕翠欲迷我自草堂無怨鶴
不須珠樹借鸞棲

送滕子還閩

滕子閩人自閩入燕沉身絕域者幾十年後其姊

致書薊門物色得之知老母尚在遂以計脫間關
南還

別淚春風染杜鵑
驪歌聲斷綠楊烟
一身絕塞思千里
萬死穹廬客九年
吳苑離觴寒食後
梨關歸夢落花前
閩南別去能相憶
倘有雙魚海上傳

春城戰血冷悲笳
廢壘傷心舊礮車
雪窖生還猶有母
玉門歸去已無家
同騎塞馬眠燕月
獨向河源上漢槎
我有離魂招未得
劫灰天畔哭黃華

予與仲兄相失於黃華山下

輓使君羅公

白楊何處望狐丘
早見乘箕天上游
未得脫驂爲賄賂
幾時懸劍上松楸
一官拓落楊雄老
九辯蕭條宋玉愁

仙吏風流應未已
鳳毛文采滿西州

送葉畫師游江左

陌上桑葉青樹頭春雲白
游人三月臥江城
却向城西送江客
百舌啼殘春又半
青驄嘶入桃花岸
莫上紅橋望遠人
芳草如烟柳絲亂
書去家山旅夢寒
馬頭天濶吳雲斷
紫綵裘白氍毹中
杜鵑風吹車輪將軍
掩障精入神鸞手
校尉非倫阿堵故
奇物豈貌尋常人
仲堪輕雲自瀟灑
幼輿丘壑何嶙峋
鯉魚噴浪急浦口
江潮滿嬌鳥散華林
駝背吹蘆管蒯侯
歌莫緩懷刺休辭
遠東道主人稱好奇
躡珠且入平原館

祝潔菴先生詩

并序

潔菴圖爲潔菴高士唐先生畫并佐綵庭之觴潔菴先生以潔名菴名其所不能名而以發其隱約寓其深思諦視斯境一草一樹一丘一壑皆潔菴靈想之所獨闢總非人間所有其意象在六合之表榮落在四時之外將以尻輪神馬御冷風以游無窮真所謂藐姑射之山汾水之陽塵垢糠粃綽約冰雪時俗齷齪又何能知潔菴游心之所哉圖成賦詩九章索同人和之

潔菴離塵想高步青冥間龍馬身從健海鷗心與閒誰知此中意爲我問西山

昔時騰英聲忽見歲月改慨然遺華纓孤游本無待寤

寐思古人魯連在東海

如聞蘇門嘯誰同柳下鍛舉首叫虞淵重雲蔽河漢無酒且高眠遙夜不可旦

桑扈羸行處放歌天地寬興來倒曳屣客至忘其冠續毛從吾好採藿從所安

美人停鳳絃遲暮悲芳草折彼瓊樹枝所思在遠道空有瑤華音不見三青鳥

好鳥啼青溪溪光上蘿屋中有遐思人鶴鳴杳空谷天籟奏鏞鼗其聲在松竹

仙人愛奕博列炬芙蓉城麟脯錯瑤盤煉藥飯黃精一笑髯再綠滄海已塵生

百言詩卷四
五
驂螭望太華息足瑤芝圃雲將方雀躍闕此林潭趣不
許問津人知我桃花路
潔菴何所有珠樹千萬枝其上棲玉鸞其下挺華芝拊
手招松喬千秋以爲期

送彥吉之鄧州

亂柳送客路芙蓉照客纓孫楚賦秋草鳳絃語淒清車
塵遙遙雁隱隱棘陽秋影懸烟城荻花風起吹行鷁月
明初聽關山笛珠露璇霜灑蘭野紅袖畫衣覆車壁我
在南臯方灌園誰從馬首歌三疊梧葉黃楓林紫夢隔
天江路千里楊絲難縮將別衣并刀不剪相思水魚龍
夜浦銀濤落黑貂犯曉西風薄天寒驅馬正嬌嘶踏盡

秋雲入西洛

花樓曲 爲毛稚黃悼宋姬

花樓斷古春天江沉新魄金彩芙蓉愁組紉紅燭宵光
散刀尺罽袍離披賣漿客獨卷龍綃倚瑤席聲咽銀雲
五十絃珊瑚挂鏡鸞塵隔蜀山鳳去桐花冷金瓶忽墜
鴛鴦井瓊柱空移碧玉歌曲屏不照黃蛾影盧家蘭堂
蘇合香陰陰碧瓦生璇霜綠苔蒙茸亂光髮無風欲動
真珠裳天迷迷雨唧唧壁衣烟晚虫絲織茵苔怨紅秋
落盡胭脂色靈牀釭火含微明隔帷如聞解珮聲舊時
折殘櫻桃花雙棲翡翠徘徊鳴堦前履迹猶存否朱草
明年不忍生

南唐書卷四
九
訊半園唐雲客先生病起

繞床芝朮空瑤琴獨枕縹緗伴古今
夢隱烏皮桂花冷
半簾秋雨畫堂深
路徧蒼苔晝掩關
一秋心與碧雲閒
白頭今見相如渴
不看芙蓉憶遠山

越江吟

為馬生書篋貽張君

越江啼鴉夏草碧
游子過我城西陌
沉沉密雨暗千門
雨絲淋漓滿襜褕
貽我一紙書如傳
上林帛問君西來
意將挂蘭谿席飛雲
却望吳山履不向
金華謁司李
欵段誰憐馬少游
琅玕欲贈張平子
海棠落盡餘醺紅
五花客館留春風
彈鋏一何苦
岐路豈終窮
為爾作短歌

花風裊裊吹斷蓬
書成九華扇
名姓誰能識
士雲多笑疾
東游莫詣纏鬚客

花谿刺船歌

雲來山不遠
雲盡山谿轉
刺船花渚不逢人
松風鳥啼山放春

夜坐無月

暮雲天際暗
秋河細雨寒
樽雁影過萬里關
山今夜望不知何處月明多

俠客游燕詩

火雲挂江路
新雨壓蘆烟
露井珠榴紅
荷花風起香
上天銀罽豹血灑
離筵手揮螺甲調
三絃辟易虹霓氣
無

前雁行龍子誰先鞭昨宵劍篋繡花紫今朝磨劍光如
水提劍不眠中夜起腰鞋雙鞬插盧矢虎頭醉月別江
干猿臂秋風走燕市汗血來方臯喜首蒼如烟嘶綠駢
桃花蘭葉雲滿身中駟上駟皆千里燕姬酒壚進馬乳
甲第連雲正歌舞五侯晝擊靈鼉鼓腰間斑斕五色組
琉球貢刀飾翠羽隴西金籠獻鸚鵡少年新拜冠軍侯
夜獵西山射雕虎

客旅遣愁

對酒思千里高歌衣帶寬無山多怨鶴得樹亦棲鸞不
爲英雄死誰能國士看十年塵尚在猶有未彈冠
多難馴龍性無人對虎賁沐猴稱上客屠狗散夷門恨

去乾坤大愁來海嶽昏巫咸今在否筮與未歸魂

雪後聞楊七虞玉陶二心兌渡江歸有贈

不肯寒山臥還乘破浪風藥囊貧未減詩句老逾工夜
壑傷離鳳霜天叫斷鴻時楊子有西河之戚去年
此日正哭難兄亭玉時也生平
盛意氣感嘆欲書空

襍被長爲客風濤慎此身歸纓分朔雪別柳記初春壯
志青氈老奇才白屋貧年年渡江處沙鳥識行人

寄吳商志

雪飄成獨往零雨嘆無家後死將何補憂生未有涯眼
枯江北柳夢斷日南華願與同棲隱鶯湖理釣槎

春游雜咏

二月平湖生綠波
亂山吹雨暗青莎
登樓不忍看楊柳
吟客春愁病後多

采香涇上雨如絲
蕭寺春深人未知
霧滿空山啼百舌
春風已過杏花枝

羅縠香風苑路新
可憐無地起游塵
鶯花醉殺癡兒女
曳翠拋紅又一春

翠削芙蓉石作城
雨花金地與雲平
我來不是春游客
手自磨崖記姓名

草浚騮馬正驕嘶
橫過花林落燕泥
欲縱金丸轉青陌
綠楊枝上打黃鸝

青帘白舫度笙簫
油壁香車出畫橋
笑殺春風艷羅綺

不知紅紫爲誰嬌

樹暗烟深鳥語頻
溪山猶是隔年春
好風吹綠吳宮草
惱亂江南賦恨人

碧苑紅樓聽早鶯
年年春向客愁生
花邊得句無人問
直上琴臺嘯一聲

三春襍被不窺園
車轍何曾到席門
不遇侯嬴人漸老
鼓刀寧負信陵恩

杜若新愁黯未開
烟花春盡獨登臺
賦成鸚鵡何妨死
千載無人解愛才

張子移家詩

方壺渺何許
春洞久寂寞
未能浮黃雲
棲隱入衡霍
初

關竹西徑將支柳南閣庭草覆城烟簷花下山雀起舞
擊珊瑚鮮飈動綃幕勝侶招黃綺仙裳高酣放歌嘯三
山有故人遙訊西飛鶴緘書寄海月三駕過北郭忽逢
天外蹤遂契新知樂張子于閩南逢吾里陸生相友善
陸生致書三度訪予城北不遇今
秋邂逅別君發秋江歸蓬桂花落重來迷巷陌積雪歛
行屨江館凜堅冰夜嘯征衣薄寒色慘乾坤春氣在橐
籥子詠予弦絲予謠子行酌

丙辰春於揚州客舍贈稽田先生

極望雲霓天路分幾時靈雨洗蘭薰江虹海電都無準
膚寸惟看岱岳雲先生將
赴齊魯
天畔愁思金錯刀忽傳青鳥下蘭臯天吳尙有移山力

好待春江二月濤

先生待
友江上

寄虞山王石谷

東望停雲結暮愁千林黃葉劍門秋最憐霜月懷人夜
鴻雁聲中獨倚樓
客窓殘夢曉寒催花下逢君笑口開誰道夢中難覓路
故人還是夢中來
流水空留太古琴一生能得幾知音半園已去西廬杏
剩得南田是賞心
收得江山在錦囊霜天乘月下滄浪尙留琥珀蘭陵酒
襍被留君話草堂

寄桐山姚綏仲

南唐詩餘卷四
十里江雲不到吳斗邊龍氣劍長孤花前得句誰相賞
春草西堂夢有無

愛君詩句比芙蓉老我青簑箬笠中春到不消雙鬢雪
牡丹花下嘆東風

西湖坐竹上小閣書懷

紅藥氣已薰朱草裁可卷蘋際掩湖風西雲自東轉山
烟有時扇峭蒨忽在眼倚嘯臨空樽賞心邈逾緬遙夜
想鶴鳴蕙花過春峴故驪未零散蘭期待今踐搏髀流
秦聲炙轂失齊辯帶長綴愁重酒淡度寒淺乘鯉莫與
同握香不堪展持此空谷心沉憂爲誰遣

東臯主人招曹劉諸子痛飲牡丹花下余不同

遊悵然有作

東臯主人十日不看花東臯草深路斷金犢車豈知名
花忽借東風力一夜綠光成霧紅成霞此時開軒置美
酒笙簧在左琴在右步障雕闌正寂寥蛸絲欲網紅蕉
牖醉客誰能舞柘枝當筵未忍揮雲母楊子旣停觴曹
生方斷腸庭前小草當春皆作香人間好景如何對此
能相忘南田子遙招呼閉戶不顧高陽徒負郭今有無
縣吏常催租十指倒瀉五嶽圖抽毫空使神靈趨眼前
失却紅氍毹不來花底傾玉壺乾坤久偈仄有人對花
同嘆息趙后都非漢殿風麗華曾是陳宮色漆燈晝暗
屏山下茱萸烟冷芙蓉榭當日歌梁囀玉喉於今金粉

銷空夜春風歲歲來江濱那識高堂無美人明月不照
客銅池非我春西江傲吏虛錦茵東臯醉客猶苦貧願
君看花莫辭飲視我頭上無完巾

九月詩

羊續懸車日真長織屨時姓名驚客問詩句畏人知九
月芙蓉淚三秋故國思曉來霜信杳江草正離離

自嘆示同好

桑扈投琴日風波失釣綸一裘藏九夏半壑夢千春薜
荔愁中鬼桃花劫外身殷勤問草野文舉是何人
老至神鋒短孤行使世疑驚魚愁有網宿鳥痛無枝詞
賦妻孥厭衣巾冰雪知賣文還作客肯負鹿門期

燕兒甫七齡失足墜溝中

正待庭蘭長翻教玉樹枯先秋零雪霰平地起江湖草
碧埋駒齒桐華失鳳雛夜深窺斷壑汝母尙驚呼

送茅子移家還西泠

白蘋風蕩五湖船送客誰調蜀國絃君去蘭津初放柳
我來江上正啼鵲
臨邛歸去向無家病客誰看韋曲花夜月南枝巢越鳥
可憐猶有未棲鴉

過茅子竹下主人看山未還留題壁上

德公乘輿往元直偶然來竹路不相待柴門空自開馬
銜侵岸草花點過牆苔未覺山林遠如從剡曲迴

同天石元白從南嶽看梅因至楓隱楓隱問卿吳氏名園
寺今爲

看花遂循溪陟山復行圃初開南園枝巖畔久相覩猶
有未窺林千花閉深塢賞心遲蘭期坐惜衣帶阻餘香
蕩爲烟落英半成雨春風肯相待美人散前浦雪殘猶
在眼萼綠低垂戶零亂千萬枝白雲不可補上憇仰叢
篁綠亭俯藥嶼呼酒兼菜俎盤中錯以脯乘興及半嶺
金繩啓蘭墅烟際山鳥鳴枯藤掛蒼鼠幽磬停高春松
風落談塵忽然青崖開澗走怪石怒苔蘚誰所嵌駁裂
翠欲吐解裘當浮嵐牽葉共支許綠蒲龍鱗波游魚數
可數當時名園樹往往墜樵斧笑問門前松還能憶歌

舞吳生感深情坐嘯起擊柱濯龍與華林於今復誰主
陳迹嘆自今斯游便成古浮生本連捲花下一延佇

月陵張道士書來說夜夢在南田見題門麗句
有餘閒小史等字戲爲詩答之

一鳥下高樓推窓展書誦相見隔半夕遂已入君夢步
虛來南田題門不言鳳大書餘閒字尙有小史共原非
版築人難爲帝者用君知湖海性不以軒冕重生事在
丹青回車可無慟欣然一吟詩持此報張仲

送吳子入閩因憶舊游

黃華城曲弔殘暉陰火猶聞照鐵衣青草不生洲上路
鷓鴣還傍戰場飛黃華大洲皆昔時屯兵處

蠻溪曲處斷雲封小艇高難度百重料得篷窓應點筆
再三回看幔亭峯

蜃氣解邊逢陸賈枕椰天畔問鄒陽

予友陸生予甥鄒問皆在閩南外

江憔悴人如此莫指吳雲念故鄉

閩人以吳下爲外江

春盡都銷客舍寒更無別曲怨離鸞炎天橘柚原難得
寄我珊瑚作釣竿

贈雲間遺叟陳君

先生養谷神顏色若芙蓉赭鞭乘靈氣觀世如鴻濛囊
餘不死藥奔走諸王公會不櫻氛埃渺然御冷風洪崖
笑相語度世何匆匆霞衣染藤箋秋水明方瞳或疑圮
上叟或謂商山翁千齡始嬰孩其壽等喬松燁燁五靈

芝皎皎雙玉童長令世人見未許還崆峒

林使君攜酒與福禪房夜飲池亭

弦月上烟際滿地皆松陰俄聞清磬發始覺禪房深隔
池芙蓉花路暗不可尋夜虫鳴露草棲鳥定風林高酣
伐芳醕刻燭清夜吟悠然發天香語默皆道心何能久
相接留想在瑤琴

題畫梅用唐解元梅花詩韻

素練誰剪三尺霜墨華零亂開寒芳蟠根古槎勢巖嶮
繁鬚細蘂分毫芒瘦骨傾欹皮半裂慘澹窮崖飽冰雪
滿手瑤華萬嶺風一聲玉笛千山月凌寒獨立憐孤韻
美人不到羅浮信何處曾分荀令香幾時還插南威鬢

積墨成烟撲酒缸吟詩自倒花間觴藏名只合老空谷
高志直欲凌侯王年年與爾同凄冷醉聽鈞天天未醒
東閣看花漸白頭梁園賦雪成俄頃

畫水仙梅花再和唐六如韻

玄陰閉壑交璇霜有花破寒先衆芳何人撞鐘擊土鼓
烟凝蕙草無寒芒綠濤初見蛟冰裂藐姑綽約真如雪
長帶應攜洛浦雲南枝更照羅浮月移情細聽琴中韻
攀條遠寄江南信甘后偏依琢玉人素娥不妬無雙鬢
嶠州積雪貯玉缸歌雲又進瑤池觴華胥探簡呼聖子
水精吐書垂素王惟有長卿四壁冷憔悴江潭賦獨醒
月館三山望渺然仙靈化鶴原俄頃

題絳幘橫秋圖

金風不動草痕青滅燭曾從枕畔聽爲爾雄聲殘夜起
秋空零落半天星

西堂桂樹下

危榦帶雲青落英吹地白不忍見蒼苔樹下留行迹
寂寞行空臺攀條向花哭不見白髮人花間倚筇竹
麻衣秋更冷香氣曉侵膚無盡號天淚應教桂樹枯

十四夜望月

獨倚樓頭看夜月誰從缺處補秋烟平開圖畫含千嶺
盡掃星河占一天行到重雲光倍疾出當深樹影難前
待看明夜嬋娟好萬里晴空一鏡圓

霜夜聞鶴

忽從雲外起嘹唳半天聲不覺耳目爽使我林泉清風
高音更徹霜重夢還驚想未歸瑤島猶迷碧玉笙

贈鶴

昨夜長鳴者霜天一羽衣帝鄉何處在華表幾時歸海
月懸珠樹松雲冷翠微人間棲未穩且向故山飛

寄北郭曹三蘿時病起將有楚游

洞庭舟未發病起尙沉吟欲作鄉園別先傷去住心寒
烟荒灶斷落葉閉門深霜月懷人夜題詩寄北林

對雪

到地聲偏寂無風花更飄山川變封壤日月失昏朝鳥

鼠窮簷盡炊烟萬井消流民猶遍野哀嘆在今宵

與吳子論詩夜立白雲渡

出戶見新月昏鴉棲未安霜林雲外直風草渡頭寒偶
爲論詩久相忘向夜闌飛揚真自許對爾欲彈冠

中秋過梁谿與十峯節培燈巖諸子夜話

一條帶水三年隔八月浮槎到客遲把酒正逢蟾闕滿
桂花香裏說相思

懸帷藜火夜從容曉露研硃點易濃別後龍鱗應更長
庭前重問著書松

李營丘利涉圖

遠天樓閣隱松篁坐攬層峯烟翠光知是深山前夜雨

一溪秋漲沒漁梁

樹杪晴雲磴道迷人家還在數峯西過溪直入千峯去
不管盤渦沒馬蹄

贈王丹麓

王子著書常滿屋。晝吟自對庭前竹。三過高雲詩未成。
一彈再嘆無絃曲。投我青琅玕。知我愛奇服。終朝採香
不盈掬。終年種石不得玉。大荒陰陰秉熒燭。百鳥喧喧
稀見鵠。雕虫壯夫亦殊苦。對客何能賦鸚鵡。囊中藻筆
皆鸞龍。鏤冰文章棄如土。但令英爽果絕塵。片語何妨
足千古。有誰海岱推國工。馳驅藝苑無追風。棄擲瓦缶
鳴清鑄。沐浴冰雪開鴻濛。眼中乃有王君公。終

南田詩鈔卷五

武進 惲 格 壽平

芷園先生王嗣衍閱定 山陰孫 讜椒圃氏選

贈東郭朱山人

綠水轉大堤白鷗弄春蘋青松久寂寞喟此巢居人蘭
苔披庭笑楚畹桃花滿地無秦塵四壁圖書生翠靄脫
帽一笑天地外惠曉門前有醴泉康成砌上多書帶赤
銅煮雪霞斑斑花時愛客不閉關懸劍牀頭嘯風雨吟
詩半榻走江山文季信慷慨公叔擅風雅陸機論文不
敢訾灌夫使酒能相下任俠何妨混狗屠結交有時入
裘馬夜閣蒼翠明曉樽葡萄清鮮花錯如錦奇卉未可

名紅泉之國不死草千秋誰見靈妃老鸞鳳朱離入夢
寒文玉玕琪亦徒好我今灑墨破生絹剪取烟濤一片
島但能長弄滄洲雲茫茫海嶽無昏曉

題古木圖贈鄭子

枝高撐天葉大於掌含霜聚雨涼籟吹蕩空堂無風時
作奇響幾回停筆不得下令人心在高雲上

題畫扇

白石荒苔未種桐昏鴉竹葉夜來風心關古木枯藤上
詩在寒烟蔓草中

彈劍歌

烏啼屋角天茫茫夜虫涼葉棲洞房秋河自瀉碧玉牀

鴛鴦漸老芙蓉塘衝冠髮短劍鞘長桃花痕染白帝霜
黃金如山國士死寶劍墮地摧精光長饑不能傾酪漿
天寒山鬼愁無裳馬足斷折車覆廂淄塵滿衣哀雒陽
魂歸江南非我鄉北風大雪吹枯桑筮篥夜火宴栢梁
西京父老空斷腸

送天目先生北上

白雲迢遞薊門游畫舫滄波不可留千里蒹葭雙棹遠
一帆烟雨大江秋長安意氣還裘馬方外心期各斗牛
翹首青楓動愁思月明靈鷲倚南樓

壽天目先生

花鳥柯巖正未闌流觴重集晉衣冠依然松菊陶元亮

聊爾耕耘管幼安夜半三階
秋深九畹樹芝蘭
由來高隱多
不信磻溪老釣竿

贈嵒雪

扁舟湖上賦歸與白草黃花滿故廬我自青篲稱釣叟
君還滄海作鯤魚關山夜月殘鞞鼓江漢春風動羽書
共道盤根須利器肯令詞賦老相如

湖上張李二子在閩南不至

十年吳客不聞簫珠樹三山入夢遙秋到閩南人未返
愁心都作海門潮

贈馮羽臯

玉匣蓮花拭劍鋒據鞍舞槊見雄風說齊不用縱橫術

鑿窟先生自姓馮

滄浪高志滿江湖花下披書興未孤怪底空堂雲霧起
傳家曾有九龍圖

呈靈巖和尚

靈嶽抗飛巖層峭倚天壁龍從吐新霞迴縈領春陌陽
坂湖烟冠陰崖翠微積金繩迴法雁玉毫翻貝闕玲瓏
梵網交曲折山楹闢靈泉湧丹沼梅檀兼翠栢至人緬
禪棲妙寄靈扁跡華雨濕蓮趺飛錫響空碧挈瓶驪珠
灑擣藻華星列來去青猿使遊從紫芝客琪花照圖書
異香滿瑤席芳烟裊爲蓋纖草多承鳥蘭薄漸抽綠梅
萼已吐白寂照耿冲襟和光萬象悅駘宕陶熙風逍遙

憇億劫

送趙可遠遊楚

花發芙蓉初見君，又牽秋草怨離羣。
輕帆六月湘江上，一路青山入楚雲。
渚宮黃葉鷓鴣啼，故國浮雲野戍迷。
我向蘭陵城上望，月明人隔洞庭西。
故郢城荒草色昏黑，貂蕭瑟臥荆門。
秋來獨作湘南客，莫向巴山聽夜猿。

送立雪道人入山

吳關孤棹冷殘雪，亂山多爲問花谿。
上寒梅今若何吟，猿朝磬立獨鶴夜堂過。
倘採靈丘藥，同呼玉女蓑。

諷友詩

時非平綠畦，春虹解繁沚。
香草不悅魂，躊躇念公子。
鄭僑惜留紵，鄂君歛餘被。
瀉海豈西瀾，奔義無東晷。
忘轍未可臨，盜羹敢濡指。
染絲將變素，改杼非完綺。
檜下欲何訛，嬋媛嘆方始。
積羽旣傾轅，披裘獨行市。
丹榜遲高步，金門虛望履。
我自樵蘇人，食萍不知美。

吳山酒客歌兼示映然

丁都護飲如故，酒酣自作鸚鵡舞。
脫衣直挂櫻桃樹，庭前呼馬不得鞍。
鷓鴣淒寒肘欲露，吳山笑人斗筲泣。
零落風埃一毛羽，酒漿厭厭無高車。
天海茫茫悉岐路，班姬束書過九春。
筆牀湘管今生塵，十年江上吟紅客。
還

似牆東處士貧

贈綏山太史

游戲青霞作外臣朝衣不染舊紅塵湖山若問閒吟客
十載宮門諫獵人

北山猿鶴夜無聲從此羣鷗好結盟病渴不貪金掌露
可知巖助厭承明

烏衣甲第虎林開爲愛西山爽氣來試問金華詞賦客
只今誰在栢梁臺

城上連山入戶青三春花氣閉重扇掉頭不索長安米
調笑何人識歲星

題綏山扇

春游駘蕩罽袍寬時送山光到繡鞍匹馬清谿踏花去
滿衣空翠欲生寒
琅玕翠色半窓深高臥都忘霄漢心花下紅魚來聽曲
松間碧月照彈琴

于西湖再見高子時高子從廣陵來

我問西湖堤上柳桃花去後曾開否鷓鴣鈎輶啼向春
將軍不至無游人曉嵐青青白雲白湖山尙識重來客
拾翠還嘶舊紫騮金丸又落垂楊陌憶君入閩我去吳
茫茫烟月沉五湖劍客幾曾過粟里酒樓何處臥龍瑜
思光牽船日欲暮短衣再哭錢塘路蠻語爭輕佐治狂
酒酣常使田蚡怒三奏雲門誰見知何如歸臥樊須圃

前年臘月蘭津渡驅車難問乖竿處雲邊空指朔鴻來
雪後方知故人去淄塵舊恨滿綉袍陌上相逢脫佩刀
歸路且裁枚乘賦解裘同聽廣陵濤

署中杏花樓上得句

東風吹滿綠楊烟一樹啼鴉驚曉眠無處踏春春欲盡
高樓閒過杏花天

題笄侍御洞天圖

瑤圃銀雲起墨池天吳夜語海山移崑丘誰剪三珠樹
應有雙棲白鶴知

掀天白浪轉江風研北仙鄉路可通見說神仙居水底
金銀宮闕有無中

初冬與麗公邂逅靈巖長歌志喜

素商吹盡朔雲起秋山半沒烟霜裏無邊楓葉下寒沙
孤舟下渡吳江水爲禮靈山調御師得遇文殊法王子
百城烟水雙行脚大千沙界一彈指投君以紈扇佩我
以椒蘭爲歌行路難中夜起長嘆瑤琴在壁不忍彈拊
膺慷慨涕闌干所思尚隔青雲端何時高飛生羽翰悠
悠黃河未可渡十年夢斷西山路驚心芳草又蹉跎白
髮春秋等閒度君不見高鳥將飛翼先伏燕雀安能測
鴻鵠一角寧爲轅下駒後凋豈是尋常木滹沱一派水
朝宗剌塵威振象王蹤握中金劍風雷吼擲向青霄成
赤龍

春游詩

白髮南村老春游，
傍友生論心薦蘆筍。
滌口酌蘭英，
赴節初聞鼓。
看花不待鶯，
追從丈人後。
執御愧慈明。
路轉松濤上，
雙林華雨間。
天空垂古塔，
地盡出吳關。
鳥過常穿嶺，
雲來不礙山。
琴臺眺湖水，
心與白鷗閒。
花谿隨路曲，
到寺白雲開。
何處還吹笛，
前山正落梅。
霜鐘過西嶺，
雪雀聚空臺。
莫遣春風老，
年年一度來。
浸柳春濤濶，
歸帆帶日遲。
醉呼光逸酒，
閒對謝安棋。
衆鳥分花散，
千山夾岸移。
再窺停棹處，
重憶放舟時。
昨對花枝宿，
今憐繡被分。
還山初隔夢，
往路不同羣。
澤國催新柳，
吳宮過舊雲。
橫塘見帆影，
歸興入斜曛。

山中梅花落

謝朓裁詩日，
南威插髻初。
曲中吹不盡，
隴首散還餘。
夜雪封枝淺，
春風度嶺虛。
豈因幽淡久，
片片逐人裾。

春游憶邵僧忍

邵續西游日，
江帆此地迴。
獨攜鸚鵡賦，
還傍鳳凰臺。
芳草三年信，
梅花一夜開。
思君千里月，
尙向夢中來。

靈巖晚賦

經行雙樹下，
風露轉銀灣。
遠火浮空水，
春星落夜山。
月中雲霧塔，
天半雨花關。
病客層樓上，
清宵聞雁還。

秋日山中憶友

授衣歸雁後，
客思入秋驚。
葉落不見地，
山空如有聲。
白

雲平野濶紅蓼一江清手折南巖桂誰知寄遠情

題稚黃曉唱詩

神鋒如雪正崢嶸一洗新愁五嶽平海底潛蛟因起舞
江潮都作夜吟聲

湖上遇沈子因作長歌一章

千里霜林孟冬候我乘雀舫行西湖芙蓉落盡烟水寒
朔風飛霰鳴菱蘆天光涵波碧雲漾丹楓黃葉飄青嶂
橋畔逢君不識君目成初在蘇堤上黑貂之裘白接離
秀骨峭立蒼虬髭篋中新草招隱詞帶間雜佩商巖芝
夷門狗屠時未遇短褐飯牛歌日暮美人雲漢遙相望
東限滄海西夜郎欲往從之天路長好音不到西山陽

五陵裘馬何足道深巖鹿豕寧終老眼前春華肯相待
又看冰結池邊草沈約風流今再見意氣縱橫誰不羨
黃金曾結六郡豪白首空懸三尺劍孤山岑祗樹林爲
君歌拂鳴琴清絲何泠泠一歌三嘆愁君心君不見西
湖霜草十月天笙歌岸曲多游船金碗笑酌葡萄酒紅
毬坐撥琵琶絃朱樓倡女何便娟長袖自舞雕闌前我
獨何爲心煩寃滄浪之天不可問紅日遠隔扶桑巔不
如高歌湖水湄持螯載酒吳山岬我擊鼓君吹篪與君
對把珊瑚卮君家昆季雅善賦雄談槩舞黃皮袴悲歌
慷慨俠者流紛紛輕薄空無數賤子南冠最辛苦十年
牧馬邊關路長鋏淒涼一敝裘壯夫已爲雕虫誤風西

湖把袂時朱絃流水遇鍾期賞音此日憐同調翻恨從
君傾蓋遲

梁園

春風入梁苑亂起楊花絮碧草滿平臺遺宮不知處
靈隱山中曉起從飛來峯步至韜光眺望久之
振策循高巖晨霜千樹白重裘凜冰澗絕磴盤叢樾下
睇寒烟平綠知衆山沒攀藤失鳥道窺洞半雲隔霧散
出層泉葉盡辨幽石嵐翠秀可掬江流細如髮縱心觸
遙遇盪目驚奇跡靈境鹿豕遊香厨鳥雀食雲霓媚雕
櫺薜荔交丹壁石潭明微波湖烟霽深碧泛谷激陰飈
鳴空下寒翻始見青松長因憐芳蕙歇披林嘯聲發度

嶺天光闢

月夜從愚菴大師陳際叔徐世臣湖干閒步

披衣攬夜色遂適湖干趾喧籟寂近聽林巒歛遙視千
峯寒月中萬壑踈鐘裏遠火互明滅鮮霞間青紫三潭
弄浮烟因風蕩爲水浮汀漁唱入過浦簫聲始星河窺
荇藻雲影亂屣履佳遊領支公雅調及高士霜月滿歸
塗宵深情未已

贈汪魏美

婁婁革屨歲將闌避世誰知管幼安桂樹幽人招隱地
鹿皮高士著書冠風簷解帶蘭香滿霜路班荆玉佩寒
辛苦西山無伴侶握中薇蕨勸加餐

山夜歌

翠微露碧雲野水濛濛石壁下清猿啼月澗戶寒落花
無人春山夜薜荔停雲車陰風夢龍馬哀唱繞紅絃憂
心不可寫無因摘瑤草空憶巢居者

走馬梨關曲

送天池入關

臂鞞雙控青絲絡鸛鶻新淬蓮花鏑君提玉龍將入關
余亦披裘反東郭琥珀削鞞寶粟鈿按絲重環練帶纏
綵絮如塵點離席勞歌不動胡琴絃江門曉角催江船
掛颿忽上踏高烟天雞一聲紅輪起濕光蒸霞變空紫
懸崖走馬度七盤身在重關綠雲裏海風吹沙滿銀浦
炎霧灑衣若嵐雨溪花含色染鮫綃山鳥向人作蠻語

珊瑚盤中荔支赤蜃樓隔夢滄洲夕開殘茵苔蘋花白
西還應憶蘭陵客

高雲主人屬和

梁父載柴胡仙人望藐姑波光上魚尾花氣動蜂鬚王
爵呼三雅金刀辨四銖不須多釀菊北地有名酬

贈朱弁上北遊

懷寶知垂棘奔霄起渥洼籌邊漢卜式任俠魯朱家趨
府人還少爲郎鬢未華君行御溝畔爲問上林花

送卓公上方住靜

西風楊柳片帆懸東渡苕溪吳水連碧草離心芳渚外
青鞋歸夢白雲邊藤蘿半錫藏寒峭猿鳥空山伴夜禪

寂寞獨留玄度月相思霞嶺隔秋烟

春夜長安望月示滕子

明月長安道烟花萬里人同看故鄉月不見故鄉春

春夜作

十年吾意在滄洲珠樹江妃想夢游但使山中松桂好
不將詞賦動諸侯

新蘿將換舊衣裳夜鶴無聲對草堂袖裏鶯花詩句滿
手中江海釣絲長

冷泉亭聽泉

千古聲還冷無心出谷中不雲常聽雨入夜悞驚風珠
浦塵生久河源路未通孤亭流水繞汨汨尙從東

除夕

繁雲翳冬徂曖曖頽羲戢夜火明宵空響竹喧晚邑北
林玄陰徙東戶新烟入代謝判昏朝冬原改春隰景光
憂夙逝遲暮感今及候鳥變聲初時風待旦急攬物憑
化遷臨觴索緒集何以謝歲月尙勉修名立

題枯楊細柳圖與吳商志

無邊白草朔雲遮落盡殘烟雪幹斜多少玉門關上笛
不吹春色度龍沙

荔支曲

滄江鳴鴉大火中深翠如烟結紫叢千樹曠隴日當午
枝頭翕翕火齊吐園客搖筐剪馬乳錯落金盤灑紺雨

赤龍鱗裹絳粟房頰虬卵孕雲英瓠合浦珠牡剖夜光
雪花嚙作水晶涼一掬玉屑調天漿齒冰隴結澄甘芳
南方百果羅珍奇紅錦荔支稱第一曲殘天寶已無聲
貢道今虛海南驛大宛葡萄那可得西國何年進石蜜
華林園柿冷金衣龍洲木奴摧朱實獨留此品三十三
綠袍金鐘久無匹曾作榕城樹下魂消江客披圖日
諦觀却坐薇花帳細枝黛葉紛相向可是長紅十八娘
幾回夢在楓亭上

山夜有懷張邵二子

江客滯春屐巖靄棲層深散髮弄餘暉暮紫凝西岑繁
花墜風影響澗赴禽音林烟欲盈袖嶺月多在襟春觴

激吳趨寒吹淒越吟徒怨蕙帳空時勞遠人心流水不
獨操虛此夜山琴

雙檜圖歌贈姚子

噫嗟闕里之檜無旁枝大塊靈氣繚繞之觀其萌芽占
曆數一葉先告開昌期我不能游曲阜撫靈柯玩此離
奇何處深崖雙古榦上聳虬枝拂雲漢堅貞自養冰雪
姿傲兀不爲耳目玩九仙羣鸞來游翔天雞鵠旦音相
亂烟苗豈與四時異標致自與凡卉判曉雨百泉根底
鳴暮雲千嶺枝邊斷望舒弭節霜條上羲和迴鞭翠微
半誰營鳩鵲觀誰構栢梁臺班倕那肯顧梓人空徘徊
斗筭睨視不相賞大器濩落成凡材對之感慨有姚子

南唐詩餘卷五
愛吟但看西山紫醉呼李生畫雙檜平生托寄真如此
畫筆蒼涼吾與爾與酣五嶽驅一指直瀉銀河三百丈
墨雨淋漓匹相似牙角紛拏碧雲裏上攀猿狖下鬱壘
倒挂懸崖兩赤龍青天雷雨圖中起

曲巷偶見

暗路出苔茵驚鴻忽近身脂香能醉客步怯欲依人燈
轉斜窺髻羅輕不動塵扶牆遮袖立飄渺洛川神

山窓夜坐遲王山人不至

霽色射林隙沉烟散半壑弦月摩重雲微光送涼幕岑
然夜窓虛青燈伴孤鶴彼美期不來金尊與誰酌

柳池

翠壓秋雲碧玉岑夜聽風雨綠池深曉晴起坐芙蓉館
已減垂楊一半陰

贈友

谷口披裘處移家愛子真吟時梅蕊瘦到日柳條新一
榻千峯雨孤雲半壑春畫沙書自好嘯樹憶仙人

荷花

平地碧玉秋波瑩綠雲擁扇青搖柄水宮仙子鬪紅粧
輕步凌波踏明鏡

送江西羅飯牛

長天孤鶴又西飛八月新涼到客衣歌吹竹西留不住
滿江秋月一帆歸

題百花巷吳生小像

芒鞋曾踏九州塵壯志空留萬里身歸向專諸尋舊隱
百花深處一閒人

玉軸縹緗伴玉壺毳袍感慨在菰蘆朱門車馬無人識
醉臥吳山舊酒徒

和次谷贈九日韻

學詩十年用我法那肯隨人並肩胛滌腸曾用金莖嚼
醫俗須將墨汁呷笑殺折楊衝口出直似比鄰惱鶯鴨
但見陰陵頻失道何曾七札能穿甲兩公詩壘鋒莫當
橐鞬旗鼓誰能狎余方苦吟一字無忍以秋蛇汚君筆
清風冷然對許詢潑墨何能擬王洽與君論詩爽心目

猶如背癢麻姑搔絕調還留中散琴埋愁不借劉伶鍤
有時興酣同鬪勝雄談如倒瞿塘峽高歌石上臥紅氍
爛醉花間墜白恰對吟聲欲撼窓檣燭光香氣噴簾押
奇句忽成天險闢驚人定把先賢歷盡力篙撐急水灘
抽思雨灑迴風霎東方詰曲幾窮哉蘇君再發陰符匣

贈谷上人住西山

碧落舊仙臺天清法雁開紺樓雲自結丹果鳥銜來愛
馬尋支遁談空得辨才看山還結伴頻向虎溪迴

同諸友集高雲閣分賦十二韻

方剪京卿徑同披宋玉襟畫雲開北苑製藻得南金久
客忘吳語論詩屏鄭音毛公漿自美袁虎醉還吟隔竹

涼生笛停樽意在琴擊鮮非斫鱸無果羨來禽蘆笋犀
文滑新蘿琥珀沉月高庭草暗雲亂井梧陰螢起仍依
砌鴉棲欲繞林微風先動柳斜漢未橫參鶯嶺羣遊散
文園肺病深流連今夕飲轉憶在山心

桐陰雅奏圖

翠烟掩映雙鬟綠金徽頻按歌纖玉流波斜睨燕釵橫
寶鴻驚落高山曲花飄石井爐烟微調轉求鳳空自知
琴心欲倩誰人聽愁殺梧桐月上時

贈趙公子

公子有神術將就
婚湖上故并及之

翩翩郢中佳公子俠遊今住錢塘市雕鞍騷裹繡襦褶
出匣蓮花嘯秋水銀河玉面明星眸風流倜儻非常儔

解裘調笑名娼樓呼盧縱飲青翰舟文犀之爵醱醪酒
板拍紅牙不離手龍韜醉倚錦步幃獸帶暗藏金匕首
雙韃笑挽二石弓一發飲羽何其雄自言貫革非足異
一箭仰射南飛鴻關西健兒安足數遼陽老將色如土
羨君慷慨善結交從遊半是扶風豪一言肝膽成金石
賣漿屠狗皆膠漆囊裏黃金棄若遺握中白璧誰知惜
碧眼仙人授金冊再拜受之得神術手操百鍊金絲鍼
重使羣盲識天日童叟扶攜盈路隅觀者咋指叫奇絕
遨遊賣藥江海間青囊且遁亡人跡世間萬事如轉轍
肯使羈孤誤花月湖畔珠簾十二闌笙歌常滿東西陌
舞榭朝霞映曲房雕窓羅綺鬱相望別有高樓紅粉粧

行雲邂逅巫山陽贈之雜佩明月璫楚臺今作秦臺客
離鸞並作雙鸞集翠帳流蘇垂紫烟香奩坐擁冰花天
麟膠解續鴛鴦絃瓊簫對倚金鏡前玉芝瓜瓞皆萬年

金陵雜感

秋堂叢桂醉花茵猶憶更闌風露身今夜長干還對月
月中不見隔宵人

白練空江天倒流蘋花風滿晝登樓江山不入王維手
碧草紅林未是秋

懷人天畔望江楓駝背金笳落照中多少秦淮河上柳
一時吹斷鷓鴣風

蒹葭霜落雁南飛九月游人未授衣却向三山望江水

滿天黃葉一帆歸



